

Joseba Jakari omenaldia egingo diote larunbatean

Bere errautsak Aizkorri magalean haizatuko dituzte hinbat ekitaldiren ondoren

Erredakzioa / Donostia

HERENEGUN goizean zendu zen Joseba Jaka Elkar eta Zabaltzen-eko arduradunari omenaldia egingo diote larunbatean senitartekoei, lagunek eta euskal kulturgingintzan kide izan zituenek. Ekitaldia Aizkorri barrenean egingo diote, Otzaurte eta San Adrian artean dagoen Beunde izeneko parajea.

Txalaparta doinuekin hasiko da omenaldia, eta ondoren bertsolarien txanda izango da. Horren atzetik, Jakak kulturgingintzan lagun izan zituenek hitz egingo dute. Abeslari baten ekitaldia etorriko da gero, eta musikari batzuen jardunarekin amaituko da omenaldia. Ekitaldiaren ostean, Joseba Jaka zenaren errautsak haizatuko dituzte. Igandean, berriz, hileta elizkizuna izango da Donostiako jesuiten elizan, arratsaldeko 18.30etan.

Joseba Jaka herenegun hil zen Cadizen, itsasoan istripua izan eta astebeite koman egon eta gero. X


Fredi Martinen kasuan emandako epaia «hizkuntz terrorismotzat» hartu dute

Baliteke auzia Nazio Batuetara eramatea eta errekurtsioak bide penaletik jotzea

Fredi Martin gazte arabarraren kasuan emandako epaia «hizkuntz terrorismoa» dela salatu dute. **Iñigo Santxo** abokatuak iragarri duenez, trami-teak euskaraz egitearen ondorioz langabezi saria kendu zioten gaztearen auzia agian Nazio Batuen Erakundera eramango dute, errekurtsioak bide penaletik jotzeaz gainera.

Luis Karlos Garcia / Gasteiz

FREDI MARTIN-EK atzo prentsaurrekoa eman zuen Gasteizen epaia aztertzeke, Euskal Herrian Euskaraz (EHE) taldeko kide batek eta Iñigo Santxo abokatuak lagundurik. «Epaia irain modura hartu dut», esan zuen arabarrak. «Justizia espero nuen, baina azkenean legeak dioena ez da bete» gehitu zuen. Dena den, euskaldun orori berak hartu bide beretik jotzeko eskatu zion, hizkuntz eskubideak noizbait edukinez betetzeko modua delakoan. Esther Pinacho epaileak iragan



EHEko kide bat, Fredi Martin, eta Iñigo Santxo abokatuak, atzoko prentsaurrekoan.

OLALDE

martxoaren 18an ebatzi, eta, itzulpen kontuengatik, handik hiru astera jakinazitako epaiak arrazoiak eman dio INEMi (Espainiako Enplegu Institutua), besteak beste, Estatuaren Administrazioak ez duela derrigorrez elebitan jardun beharrik argudiatuz. INEMek, Martini antzinatasuna kentzeaz gainera, hilabeteke saririk gabe utzi zuen.

Gaztearen abokatuak gogor kritikatu zituen Pinacho epailea eta Jaime Peña IMENeko Gasteizko zuzendaria. Santxoren aburuz, epaia «hizkuntz terrorismoa» da, euskaldun batek bere hizkuntz eskubideen inguruan «amore eman dezan» jokabidea begi onez ikusten duena.

Epaiketan INEMeko abokatuak argudiatu eta epaiak berak dioen bezala, Martinen errua izan zen zegokion epean bulegoan ez

agertzea langabeziaren sariari buruzko tramitazioa egiteko; izan ere, harremana euskaraz izateko eskubidea ezagutu egin baitzion une jakin batean Institutuak. Hala, Martinen ustezko hutsa hizkuntz eskubideen bortxaketaren gainetik omen dago, nahiz eta bigarrenak aurrea eragin.

Hala eta guztiz ere, Santxoren arabera, Fredi Martin INEMeko bulegoetara «behin baino gehiagotan» joan zen, beti ere epe barruan: «Auzitan zegoena zen Fredi agertu zenentz, eta Fredi agertu egin zen. Beraz Fredik egindako huts bakarra bere hizkuntz eskubideei eustea izan da».

Epaileak bat egin du INEMek epaiketan arrazoitutakoarekin, Estatuaren Administrazioak elebitasuna «progresibitatez» aplikatu behar dela dioenean, kasu. Horri buruz, Santxok zera esan

zuen: «Euskaldunok lepo eginda gaude. progresibitatearekin, dagoeneko 18 urte igaro dira-eta».

«Erantzun gogorra» emateko prest • Santxok errekurtsioa aurkezteko iragarpena jarri zuen atzo Gasteizko Epaitegian, baina urrunago joateko gertu azaldu zen: «Baliteke Zuzenbide Penalaren bidetik jotzea, eta baita kasua Nazio Batuetaraino eramatea ere, kanpoan ohar daitezen hermengo hizkuntz egoeraz». Abokatu bizkaitarraren ustez, epaiak «erantzun gogorra» merezi du.

EHEk mobilizazioak iragarri zituen, datorren ostegunean egingo diren kontzentrazioak, esaterako. Halaber, Fredi Martinen antzeko kasu batengatik atzo eguerdian Bergaran Kepa Elorza gipuzkoarrari epaiketa egin ziotela informatu zuen. X

ORONA Ascensores
Escaleras Mecánicas
Estructuras Especiales

ORONA, S. COOP.

De acuerdo con lo establecido por el Artículo 32 de los Estatutos Sociales, y por Acuerdo del Consejo Rector de esta Cooperativa, adoptado el día 17 de Abril de 1.996, se convoca a los Socios de la misma a la **ASAMBLEA GENERAL ORDINARIA**, que tendrá lugar en la fecha y lugar siguientes:

FECHA: 27 de Abril de 1.996
HORA: 8.30 de la mañana en 1ª convocatoria
9.00 de la mañana en 2ª convocatoria

LUGAR: Salón de Actos de la Casa de Beneficencia de Hernani.
con arreglo al siguiente,

ORDEN DEL DIA

- Informe sobre aprobación del Acta de la Asamblea General Extraordinaria de 8.07.1995.
- Exámen y Aprobación de la Gestión, Memoria, Cuentas y Balance del Ejercicio 1.995.
- Distribución de Resultados del Ejercicio 1.995.
- Información sobre ORBIDE. Aplicación de la Reversión de Resultados.
- Información sobre la AGRUPACION SISTEMAS Y SERVICIOS, S.COOP. y sobre la CORPORACION M.C.C.. Reversión de Resultados.
- Presentación del Plan de Gestión 1.996.
- Propuestas de admisión de Socios Colaboradores.
- Procedimiento para la designación de los Delegados de Prevención.
- Aportación Obligatoria a Capital y Cuota de Ingreso.
- Propuestas sobre nueva Aportación Obligatoria a Capital Social.
- Tasa de Interés al Capital Social y a los Préstamos de Socios.
- Elección y nombramiento de Comisión de Vigilancia.
- Renovación del Consejo Social.
- Comunicaciones del Consejo Rector.
- Ruegos y Preguntas.

Hernani, a 17 de Abril de 1.996.

POR EL CONSEJO RECTOR,
Isabel Marcalde Osoro
Presidenta

NOTA: De conformidad con la Ley 4/1993 de Cooperativas de Euskadi Artículo 24.4 y Artículo 12 de nuestros Estatutos Sociales, se recuerda a los Socios que, hasta la fecha de celebración de la Asamblea podrán examinar la documentación relativa a los puntos 2 y 3 del Orden del Día.

ORONA, S. COOP.

Estatutu Sozialerako 32 Artikuluak dioenez eta Kooperatiba honetako Errektore Kontseiluak, 1.996ko apirilaren 17an erabakitakoaren arabera, bertako bazkide guztiak, ondoren zehazten den leku, ordu eta egunean, **BATZAR OROKOR ARRUNTERA** deituak geratzen zarete:

DATA: 1996ko apirilak 27

ORDUA: Goizeko 8.30etan lehen deialdian
Goizeko 9.00etan bigarren deialdian

LEKUA: Hernaniko Ongitxetxe Ekintzaren toan.

Ondorengoaren arabera:

GAI ORDENA

- 1995.07.8an ospaturiko Batzar Orokoro Arrunteko agiria onarpenari buruzko txostena.
- 1995eko Memoria, Kontu eta Balantzeen azterketa eta onarpena, ongi badator.
- 1995eko Ekitaldiko emaitzen banaketa.
- ORBIDERi buruzko informazioa. Emaitz. Berbihurketa aplikazioa.
- Agrupación Sistemas y Servicios eta M.C.C. Korporazioari buruzko informazioa. Emaitz Berbihurketa.
- 1995eko Gestio Planaren aurkezpena.
- Bazkide kolaboratzaileak onartzeko proposamena.
- Prebentzio Delegatuak izendatzeko prozedimendua.
- Kapitala eta Ingresatzeko kuota ezinbestekoaren aportazioa.
- Aportatzen den Kapital Sozial berri-rako proposamena.
- Bazkideei Prestamoak eta Kapital Sozialaren interes tasa.
- Zaintza Komisioren hautaketa eta izendapena.
- Kontseilu Sozialaren berritzea.
- Errektore Kontseiluaren komunikazioak.
- Eskaera eta galderak.

Hernanin, 1.996ko apirilak 17

ERREKTORE KONTSEILUARENGAN-
DIK, Isai, Marcalde Osoro
Lehendakaria

Eguzkik manifestazioak antolatu ditu larunbaterako Itoizko urtegiaren aurka

Era berean, Itoitzekiko Elkartasuna taldekoen askatasuna ere eskatuko du

Irene Arrizurieta / Iruñea

EGUZKI talde ekologistak *Demo-kraziaren eta lurraren defentsan, Itoitz apurtu* lelopean lau manifestazio antolatu ditu Hegoaldeko lau hiriburuetan. Manifestaldiak arratsaldeko zortzietan izanen dira; Iruñean Gaztelu enparantzatik aterako da; Bilbon, Arriaga plazatik; Gasteizen, Andre Mari Zuriaren plazatik; eta Donostian, Bulebarretik. Manifestazioekin, besteak beste, Iratiko bailaran egiten ari diren Itoizko urtegia behin-betiko gelditzeko eskatu

nahi dute. Era berean, apirilaren 6an urtegi kableak mozteagatik espetxeratu dituzten Itoitzekiko Elkartasuna taldeko zortzi kideen askatasuna eskatuko dute.

Manifestaziorako deia egiteaz gain, Itoitzekiko Elkartasunataldekoek egindako ekintzaren ondoren sortutako iritziak ere aztertut zituen Eguzkik. Alberto Frias talde ekologistako bozera-mailaren arabera, urtegiaren zortzi kideek egindakoa agintarietara daramaten «ekintza burutuen politikaren aldean demokrazia

ekintza bat da». Ildo beretik, Frias Nafarroako Gobernuak gertaerari buruz egin duen manipulazioa salatu zuen. Zalaparta honen guztiaren inguruan, Eguzki taldearen aburuz, gogotarako garaia ireki da: «Edo urtegiaren aldekoek beren jarrera inposatzen dute edo afera razionalizatu egiten da», diote. Hori aintzat hartuz, Eguzkik eztabaidea bidea jorratu behar dela iritzidio, eta inposizioaren bidez ezarri nahi dena modu demokratikoan razionalizatzeko eskatu du, ikerketa mahaia abiatuz. X